

# 佛说出家功德经

失译人名今附三秦录



南無本師釋迦牟尼佛


## 说明

本简体校正版《佛说出家功德经》电子书，根据《乾隆大藏经》小乘单译经，第 0771 部，失译师名附三秦录《佛说出家功德经》原藏影印本校正。句读仅作参考。

本电子书是免费结缘品。特此说明。

仁慧草堂

二〇一九年二月



扫码关注仁慧草堂微信公众号



## ● 起诵仪

### 香赞

(一遍)

炉香乍爇. 法界蒙薰. 诸佛海会悉遥闻. 随处  
结祥云. 诚意方殷. 诸佛现全身.

南無香云盖菩萨摩诃萨 (合掌三称)

### 净口业真言

(三遍)

唵. 修唎修唎. 摩诃修唎. 修修唎. 萨婆诃.

### 净三业真言

(三遍)

唵. 娑嚩. 娑嚩秫驮. 娑嚩达摩娑嚩. 娑嚩秫度憾.

### 安土地真言

(三遍)

南無三满哆. 母驮喃. 唵度噜度噜. 地尾. 娑婆诃.

## 普供养真言

(三遍)

唵. 誝誝曩. 三婆嚩. 鞞日啰斛.

南无本师释迦牟尼佛 (合掌三称)

## 开经偈

(一遍)

无上甚深微妙法 百千万劫难遭遇  
我今见闻得受持 愿解如来真实义

# 佛说出家功德经

失译人名今附三秦录<sup>1</sup>

如是我闻：

一时，佛在毗舍离国，食时到，入城乞食。时，毗舍离城中，有一犁车子<sup>2</sup>，名鞞罗羨那<sup>此言勇军</sup>。譬如天与诸天女共相娱乐，时此王子与诸嫖女在阁上共相娱乐，耽于色欲亦复如是。

尔时，世尊以一切智闻彼乐音，告阿难言：“我知此人贪五欲乐者，不久命终。却后七日，当舍如是眷属快乐，决定当死。阿难，此<sup>3</sup>人若当不舍欲乐，不出家者，命终或能堕于地狱。”

尔时，阿难顶奉佛教，欲利益此王子故，次至其舍。尔时，王子闻阿难在外，即出奉见，以敬念故，请阿难入坐。坐已未久，尔时，王子起恭敬心，白阿难言：“善哉！好亲友来，今正是时。我今见汝，踊跃欢喜。汝字欢喜，汝今当教，告我佛所教法，令我欢喜。”尔时，王子如是三请。阿难为欲作大利益，默然无言。

<sup>1</sup> 大正藏：失译人名今附东晋录

<sup>2</sup> 大正藏：车；永乐北藏及龙藏：车子

<sup>3</sup> 大正藏：如此；永乐北藏及龙藏：此



王子又言：“鞞陀阿<sup>4</sup>牟尼大仙，利益一切众生，有何嫌恨默然无所说，不见少告？”

时，第三师持佛法藏利世间者，惨然告言：“汝今善听<sup>5</sup>！却后七日，汝当命终。汝若于此五欲乐中，不能觉悟，不出家者，命终或当堕地狱中。佛一切智人，正语正说，记汝如是。譬火烧物，终不虚发。汝谛思惟！”

时，彼王子闻此语已，甚大忧怖，愁愤不乐，受阿难教：“我当出家，定且听更六日受乐。第七日中，我辞家眷属，定必出家。”阿难可之。

第七日畏生死故，求佛出家，佛即听之。一日一夜，修持净戒，即便命终。烧香毕已，尊者阿难与其眷属，往白佛言：“世尊！此鞞罗羨那比丘，今已命终，神生何处？”

时，佛、世尊、天人之师、一切智人，以大梵音，胜出雷鼓迦陵频伽众妙音声，以八种音告阿难言：“此鞞罗羨那比丘，畏于生死地狱苦故，舍欲出家，一日一夜，持净戒故，舍此世已，生四天王天，为北方天王毗沙门子，恣心受于五欲快乐。贪受五欲，与诸婖女共相娱乐，寿五百岁。

<sup>4</sup> 大正藏：呵

<sup>5</sup> 大正藏：听；永乐北藏及龙藏：德；校勘：听

五百岁已，命终转生三十三天，为帝释子，具受五欲，极天之乐，天妙婇女，恣意千岁。寿尽，生焰天，为焰天王子，自恣受天色、声、香、味、触，快心欲乐。受天二千岁已，命终生于兜率天王子，恣心受于五欲快乐，目视相欲，心自厌足，常谈法语，解脱智慧，寿天中寿。满四千岁已，命终往生自在天上，为天王子，受种种五欲妙乐，于婇女中化应恣意八千岁。八千岁已，命终生他化自在天，为天王子。此第六天，其中欲乐，下五天中所不能及。生此中已，受最妙乐，众乐之藏。受此乐时，心极迷醉，具足受于诸妙胜乐，万六千岁。如是受乐，于六欲天，往来七反。此鞞<sup>6</sup>罗羨那，以一日一夜出家故，满二十劫，不堕地狱、饿鬼、畜生，常生天人，受福自然。最后人中，生富乐家，财富珍宝具足。壮年已过，诸根熟时，畏恶生、老、病、死患故，厌世出家，剃除须发故，身披法服，勤修精进，持四威仪，常行正念，观于五阴、苦、空、无我，解法因缘，成辟支佛，名毗流帝。于是时，放大光明，多有人天，生于善根，令诸群生种于三乘解脱因缘。”

尔时，阿难叉手白佛言：“世尊！若当有人

<sup>6</sup> 大正藏：毘



放人出家，若有出家者，任其所须，得几所福？若复有人，毁破他人出家因缘，受何罪报？唯愿世尊具尽告示！”

佛告阿难：“汝若具满于百岁中，问我此事，我以无尽智慧，除饮食时，满百岁中，广为汝说此人功德，犹不能尽。是人恒生天上、人中，常为国王，受天人乐。若有于此沙门法中使人出家，若复营佐出家因缘，于生死中常受快乐。我满百岁，说其福德，不可穷尽。是故阿难，汝满百岁，尽寿问我，我至涅槃，说此功德，亦不能尽。”

佛告阿难：“若复有人破坏他人出家因缘，即为劫夺无尽善财人<sup>7</sup>福藏，坏三十七助菩提法、涅槃之因。设有欲坏出家因缘者，应善观察如是之事。何以故？缘此罪业，堕地狱中，常盲无目，受极处苦。若作畜生，亦常生盲；若生饿鬼中，亦常生盲。在三恶苦，久乃得脱。若生为人，在母腹中，受胎便盲。汝于百岁常问是义，我百岁以无尽智说是罪报，亦不可尽。于四道中，生而常盲，我终不记此人当有得脱时。所以者何？皆由毁出家故。

<sup>7</sup> 大正藏：财；永乐北藏及龙藏：财人



“或成就无量无边<sup>8</sup>功德，以破如是善因缘故，受无量罪，由障出家故。于此清净智慧镜中，为于解脱诸善法故，若见出家修持净戒，趣解脱处，破他出家，为作留难，以是因缘故，生便常盲，不见涅槃，由毁出家故。常观痴等十二因缘，应得解脱；以毁破他智慧眼故，破出家缘，覆慧眼故，从生至生，常盲无目，不见三界，缘障出家故。应<sup>9</sup>见五阴、二十我见，人趣正道；破出家因，坏正见故，所生常盲，不见正道。出家应见一切法聚、善法住处，应观诸佛清净法身；以破出家善因缘故，所生常盲，不能睹见佛法身。以因出家应具沙门形貌及与持戒清净福田，种佛道因；破出家故，于善法中断一切望，由是罪缘，生生常盲，由毁出家故。应<sup>10</sup>善观察一切身心，皆苦、无常、无我、不净；破他出家，为作留难，则破此眼。破此眼故，不见四道、四念处、四正勤、四如意足、五根、五力、七觉分、八正道、趣涅槃城。是罪缘故，所生常盲，乃至不见空、无相、无作清净善法向涅槃城。

“是以智慧之人，知出家者应当成就如是善

<sup>8</sup> 大正藏：无边；永乐北藏及龙藏：无量无边

<sup>9</sup> 大正藏：出家应；永乐北藏及龙藏：应

<sup>10</sup> 大正藏：出家应；永乐北藏及龙藏：应

法，不应破坏善法因缘，获如是罪。谓<sup>11</sup>毁破他人如是出家沙门正见因缘者，终不能得见涅槃城，所生常盲。

“若复有人满百劫中，余方出家，修持净戒。若复有人于此阎浮提，出家持戒，一日一夜，乃至须臾，清净出家，于十六分，彼百劫出家持戒，十六分中不及其一。

“若有颠倒，淫姊妹女，不应淫处，强生慳嫉，此中罪报，不可计限。若有一人，能正思惟，有出家心，欲舍诸恶；若复有人，破坏此人出家因缘，不令愿满，是罪因缘增长于前，复倍百劫。”

尔时，阿难复白佛言：“世尊！此毗罗羨那所种善根，生尊贵处，当受福乐，为过去世亦有善行？为但齐今一日一夜出家功德，受尔许福？”

佛告阿难：“汝不应观过去因缘，于此一日一夜清净出家故，此善根，六欲天中，七反受福；二十劫中，常受生死世间之乐；最后人中，生福乐家，壮年已过，诸根熟时，畏于生、老、病、死、苦故，出家持戒，成辟支佛。”

佛告阿难：“我今说喻，汝当善听！譬四天下，东弗婆提、南阎浮提、西瞿耶尼、北郁单越，

<sup>11</sup> 大正藏：谁



满中阿罗汉，若稻麻丛林。若有一人，满百岁中，尽心供养此诸罗汉衣服饮食、病瘦医药、房舍卧具，乃至涅槃后若起塔庙，种种珍宝、华香、瓔珞、幡盖、妓乐、悬诸宝铃、扫洒香水，以诸偈颂，赞叹供养，所得功德，若有人为涅槃故，出家受戒，乃至一日一夜所作功德，比前功德，十六分中不及其一。以是因缘，善男子当应出家，修持净戒。诸善男子，诸须功德者、求善法者、自受法者，不应留难出家因缘，应勤方便劝作令成。”

时，诸天<sup>12</sup>众闻佛所说，莫不厌世，出家持戒，有得须陀洹，乃至阿罗汉者，有种辟支佛善根者，有发无上菩提心者，皆大欢喜，顶戴奉行。

佛说出家功德经

<sup>12</sup> 大正藏：大

## ● 结诵仪

### 补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

### 补阙圆满真言

(三遍)

唵. 呼嚧呼嚧. 社曳穆契. 莎诃.

### 普回向真言

(三遍)

唵. 娑麼囉. 娑麼囉. 弭麼曩. 萨嚧诃. 摩诃斫迦囉嚧吽.

南無佛 南無法 南無僧 (合掌三称)

南無本师释迦牟尼佛 (合掌三称)

南無观世音菩萨摩诃萨 (合掌三称)

南無护法诸天菩萨 (合掌三称)



## 礼佛发愿文

(一遍)

归命十方调御师 演扬清净微妙法

三乘四果解脱僧 愿赐慈悲哀摄受

但(某甲)自违真性，枉入迷流。随生死以飘沉，逐色声而贪染。十缠十使，积成有漏之因；六根六尘，妄作无边之罪。迷沦苦海，深溺邪途。著我耽人，举枉措直。累生业障，一切愆尤。仰三宝以慈悲，沥一心而忏悔。

所愿能仁拯拔，善友提携。出烦恼之深源，到菩提之彼岸。此世福基命位，各愿昌隆；来生智种灵苗，同希增秀。生逢中国，长遇明师。正信出家，童真入道。六根通利，三业纯和。不染世缘，常修梵行。执持禁戒，尘业不侵。严护威仪，蝇飞无损。不逢八难，不缺四缘。般若智以现前，菩提心而不退。修习正法，了悟大乘。开六度之行门，越三祇之劫海。建法幢于处处，破疑网于重重。降伏众魔，绍隆三宝。承事十方诸佛，无有疲劳。修学一切法门，悉皆通达。广作福慧，普利尘沙。得六种之神通，圆一生之佛果。然后不舍法界，遍入尘劳。等观音之慈心，行普

贤之愿海。他方此界，逐类随形。应现色身，演扬妙法。泥犁苦趣，饿鬼道中，或放大光明，或现诸神变，其有见我相，乃至闻我名，皆发菩提心，永出轮回苦。火镬冰河之地，变作香林；饮铜食铁之徒，化生净土。披毛戴角，负债含怨，尽罢辛酸，咸沾利乐。疾疫世而现为药草，救疗沉痾；饥馑时而化作稻粱，济诸贫馁。但有利益，无不兴崇。次期累世冤亲，现存眷属，出四生之汨没，舍万劫之爱缠。等与含生，齐成佛道。虚空有尽，我愿无穷。情与无情，同圆种智。

## 回向偈

(一遍)

愿以此功德 庄严佛净土  
上报四重恩 下济三途苦  
若有见闻者 悉发菩提心  
尽此一报身 同生极乐国



## 三皈依

(一遍)

自皈依佛，当愿众生，体解大道，发无上心；  
自皈依法，当愿众生，深入经藏，智慧如海；自  
皈依僧，当愿众生，统理大众，一切无碍。和南  
圣众。



此咒置经书中可灭误跨之罪

南无护法韦驮尊天菩萨

